



序言
 職名
 目録
 潘志序
 王志序
 職名
 王志職名
 例

ル 5
 3258
 1



門 3
號 3258
卷 21

黃州府志

庚子年
十月
日
購

光緒十年二月
開雕版
黃州府官印

敘

黃州府志四十卷因王志原本纂輯而成者也
乾隆十二年恕堂王公以關中理學名家來守
茲土越明年纂脩府志黃岡果園靖太史實秉
筆故其書至今存焉同治六年冬十月啟來郡
受事值粵逆甫平餘氛未靖懲前毖後修廢舉
墜十數年來警惕弗遑敢云著述顧志者記也
弗記其事曷知其治黃州民氣敦樸土風厚善
士習尤彬彬家絃戶誦爭自濯磨見有詐虞近

利暱眦爭者必從而諷勸規戒弗聽則亟遠之
惟恐浼己雖閭巷婦孺皆知忠信孝義廉潔之
爲美而身能蹈之因俗成化維持勿衰將何以
蒸蒸日上物無珍奇殊異之產惟是稻菽麻麥
棉布之屬生民日用所必需而歲供度支南北
轉漕粟額數甲他郡地當孔道屬邑八直驛傳
者六麻城黃安羅田號爲山鄉光商英霍阮塞
所在詰奸禁暴無已時長江自武漢西來徑沙
口歷陽邏蜿蜒五百餘里始出郡境臨江五邑

長年三汛農田被患者十歲恆八九黃梅大隄
正當鄱陽湖水之衝防險視廣濟爲尤急地勢
枕淮面江四通五達自楚漢以來中原多故輒
集爲戰場咸豐開粵逆踞金陵大軍規恢江皖
倚蘄黃爲重地局鍵全楚樞紐東南形勝然矣
今雖烽平燧息長江水師特立營制戈船戰艦
碁布星羅而陸路黃州蘄州兩營額兵裁併僅
存六百九十有奇闔郡八邑暨黃陂一縣咸資
控制導利去害處安慮危時宜之措厥道何從

若乃名儒碩士代有偉人經濟文章照耀前古
方今

聖天子典學日懋宵旰憂勤側席求賢屢頒

明詔郡人士奮發興起矩矱先民觀感所由端在茲
乎如謂揚華摘藻潤色山川領異標新左右談
塵遂足以籠駕圖錄末已光緒七年秋郡屬邑
志次第告成湖北通志行將開局纂修

啟奉

臺符飭修郡志是時悔復劉太守奉諱家居獻
之鄧比部乞假旋里頗不以啟不才無識遐棄

弗顧爰相與稽攷典章甄明諸志諏吉八年春
二月開館同事諸君子後先踵至分門授簡別
日操觚越明年春稿之成者三分有二太守服
闋奉

命重蒞湘南諸君子或先赴公車或橐筆遠游比部
於是更偕曾君穉鴻傅君雨卿殷君東坪張君
次常霽亭從容商推昕夕編摩又明年而全稿
始就季貞錢廣文獻之至友也適自沔陽告歸
啟復專走延致從而依體據例反覆究觀徵信

闕疑刪繁補略整齊條貫較若畫一爰以付之梓人始二月迄十一月工竣是書爲綱十爲目五十有八誠不知視前志爲何如顧嘗見同人在館一事之義推求再三一篇之稿或四五易悔復太守取法謹嚴整躬範物雖乃先世碩德清芬備詳邑乘義在遠嫌戒勿敢登獻之比部博綜典冊殫洽見聞無義不搜在疑能斷猶復與季貞諸君往復辨析體裁勿取其新義例必求其當一知半解更或采及蕘言昔果園太史

謂昔人云作史之難無如志殆尤莫難於黃州志詎弗信矣乎蓋惟知作志之難故王志可稱善本惟知王志之所以難斯今茲之慎而又慎庶幾見諒方雅證可訂否輯入通志冀備

國史採擇云爾啟昧道曹學迂拙寡效略陳梗概益藉以自勉焉

光緒十年歲次甲申冬十一月吉日

賜進士出身

誥授朝議大夫 文淵閣校理升用侍講 記名御

史翰林院編修知湖北黃州府事瀋陽英啟謹

敘



序

太守瀋陽英公治黃十有六年政稱廉平既吏安其官民樂其業矣於是舉修郡志招郡文學之士分門修輯而屬劉君悔復及琛司其事閱二載書成太守序諸首簡命琛一言繼之自班固作地理志記郡縣本末山川奇異風俗所由司馬彪續志並錄其改異及春秋三史地名以為郡國志蓋古之地志載方域山川風俗物產而已唐李吉甫元和郡縣志尤詳於攻守利害宋樂史太平寰宇記增以人物藝文至是而體例大備爾後方志凡五行食貨職官選舉之屬莫不甄錄是志也而兼全史矣夫史家斷代為書失會通之義鄭樵譏之志則上下古今制度典章綜核條貫變通而損益之布諸

政典爲經世有用之書江淹有言作史之難無出於志蓋其慎也明洪武九年以蘄州隸郡治幅員廣遠論形勢者謂守江南必先守江北扼塞五關乃有長江之險黃州亦江淮之間一重鎮也其地有山林川澤之饒其民以漁獵山伐爲業火耕水耨飯稻羹魚食飲還給而亡積聚所從來舊矣自宋王元之蘇子瞻二公以氣節文章照臨此邦山川亦勃發其清淑之氣篤生俊哲自是以還理學名儒文采經濟史不絕書見於明史者五十三人文物聲明遂爲楚中之冠郡舊有志宋景德訖明萬曆至

國朝康熙乙丑率散佚無存其傳於今者惟乾隆戊辰王志距今百三十有七年矣一邦文獻闕如罔紀蒐討不密後益無

徵况咸同間粵寇之亂官司檔冊故家遺文燬於兵火其間忠清亮節文武死事之臣及閭閻烈士委巷幽貞儻令湮滅不傳能無閔乎此太守今志所爲作也或曰志者述而不斷當不得以擬史然戶口之數登耗或殊田賦之則今昔歧異則政令得失繫焉職官志矣不盡入循良之傳選舉志矣或僅列科目之名則人材高下判焉又如學校之隆替風俗之厚薄兵農禮樂之廢興五行祥異之占驗據事直書隱含諷誠尋文互證悉寓微言記事之體蓋具有史裁焉康熙十一年大學士衛周祚奏令天下郡縣修輯志書

詔允其請又頒河南通志於天下爲修書之式雍正七年

敕各直省重修通志上諸史館蓋

國史取之一統志一統志取之通志通志取之郡縣志是郡縣志必詳於史而後可以備史臣之採近世通儒如李氏紱志臨川錢氏大昕志鄞李氏兆洛志鳳臺鄧氏顯鶴志寶慶並主詳贍亦朝考庶政夕省典刑之義若宋之澠水志元之齊乘明之朝邑武功志簡要尙矣治世者猶慮其未詳焉戊辰王志文簡事核釐然有叙固無以議爲也今據以爲本間有承用舊沿普更刊定漏者補之疏者正之蓋時有古今述有詳略要不足以累全書昔孔穎達作春秋正義嘗謂劉炫性好非毀規杜氏之失凡一百五十餘條習杜義而攻杜氏猶蠹生於木而還食其木非其理也時琛與修通志往來鄂城志館得廣搜楚中輿記如廖道南楚紀廖元度楚風補朱日

濬黃州文獻錄之屬並恭閱

欽定盛京通志熱河志畿輔通志及十八布政司統部之書凡豫是

有益者並皆鈔內還質太守又得同館諸人虛衷商榷罄力編摩而一惟太守鑒裁焉太守舊爲史官親掌圖籍於是編蓋已覃精研思一一審定方以修明政教激揚末俗彰示來茲以上昭

國家聲教誕敷至治翔洽之盛非第備一郡之典章已也光緒十年歲次甲申秋七月癸卯朔黃岡鄧琛謹序

黃州府志修輯職名

鑒定

湖北鹽法武昌道調署漢黃德道武震
 二品銜前分巡漢黃德道惲彥琦
 按察使銜前署漢黃德道恭釗
 纂輯

黃州府知府英啟

督修兼採訪

鹽運使銜岐亭同知蔣垣

運同銜武黃同知張積祺

運同銜黃州通判劉忠誠

五品銜儘先補用直隸州黃岡縣知縣戴昌言	同知銜	同知銜	五品銜前署蘄水縣知縣陳豪	同知銜	四品銜沔陽州知州前署麻城縣知縣陸祐勤	同知銜	同知銜署黃安縣知縣張錫壽	同知銜	同知銜前署黃安縣知縣陶大夏	同知銜	同知銜前署黃安縣知縣陳瑞瀾	同知銜	同知銜羅田縣知縣管貽葵	蘄州知	四品銜前署蘄州知	州宋熙會
--------------------	-----	-----	--------------	-----	--------------------	-----	--------------	-----	---------------	-----	---------------	-----	-------------	-----	----------	------

同知銜廣濟縣知縣王方田	候補知州前代理廣濟縣知縣張茂時	候補知州署黃梅縣知縣鍾穀	同知銜前署黃梅縣知縣袁鏞	四品銜蘄州衛掌印守備龔恩培	四品銜黃州衛掌印守備鮑福慶	監修	鹽提舉銜黃州府學教授姚瑞齡	同知銜前黃州府學教授賀壽惠	國子監典簿銜黃州府學訓導陳寶樹	同知銜	同知銜黃岡縣學教諭楊守敬
-------------	-----------------	--------------	--------------	---------------	---------------	----	---------------	---------------	-----------------	-----	--------------

候選知縣前黃岡縣學教諭黃敦素
黃岡縣學訓導傅上瀛
蕪水縣學教諭萬修墉
六品頂戴蕪水縣學訓導余祖潤
五品銜麻城縣學教諭黃光濱
麻城縣學訓導朱騏
黃安縣學教諭王世清
中書科中書銜黃安縣學訓導方宗堃
羅田縣學教諭關棠
羅田縣學教諭朱綬榮
署羅田縣學訓導周棻

蕪州學學訓導正陳國正
蕪州學教諭胡振緒
廣濟縣學教諭梅漢章
廣濟縣學訓導魏澤清
黃梅縣學教諭魯學鍾
黃梅縣學訓導袁光澍
監繕監刊
鹽提舉銜黃州府經歷兼司獄濮文彬
同知銜黃岡縣丞張銘新
理問銜黃岡縣典史呂文煥
湖北候補巡檢李斐章

黃州府學優廩生殷雯	麻城縣學選拔廩生張翊辰	候選教諭癸酉舉人張瑞霖	分輯	翰林院庶吉士癸未進士周錫恩	戶部主事癸未進士蔡卿雲	內閣中書銜襄陽府學教授癸卯舉人雷春沼	前當陽縣學訓導辛亥舉人石濟川	儘先選用教諭揀選知縣丙子舉人雷溶	揀選知縣丙子舉人夏寶彝	己卯舉人劉寅恭
-----------	-------------	-------------	----	---------------	-------------	--------------------	----------------	------------------	-------------	---------

己卯舉人萬維屏	壬午舉人陳曾佑	候選復設教諭癸酉副貢生王兆翔	前署宜城縣學訓導廩貢生黃際寅	黃州府學增廩生王受釐	黃州府學優廩生趙丹桂	黃岡縣學生周拱辰	候選訓導長陽歲貢生譚文錯	揀選知縣乙亥舉人王國賓	揀選知縣壬戌並補行辛酉舉人張澈	黃岡縣學生楊汝翼
---------	---------	----------------	----------------	------------	------------	----------	--------------	-------------	-----------------	----------

黃岡縣學優附生蔣之炯

搜訪書籍

刑部主事壬午舉人曾永齡

內閣中書銜丙子舉人胡與瑚

候選教諭恩貢生吳宗儒

同知銜范華封

光祿寺署正銜華春禧

通判銜劉慶豐

按察司照磨林樹楠

經理黃岡優附貢生張增炎

國子監典簿劉廷棟

繪圖

湖南新化附貢生晏啟鎮

湖南新化監生鄒世布

蘄州監生王銓

江蘇候補巡檢周學淮

覆校

揀選知縣乙亥舉人夏貢琛

黃岡附貢生黃啟焜

黃岡增貢生汪春華

廣濟縣學生員甘葆真

己卯	揀選	揀選	揀選	候選	前竹谿縣學教諭	黃岡縣學	黃岡縣學	黃安縣學	蘄水縣學	黃岡縣學
舉	知縣	知縣	知縣	教諭	諭甲子舉	學	學	學	學	學
	庚午	丁卯	己未	己卯	甲子	生	生	生	生	生
	舉	舉	舉	舉	舉					
	人蔣春祺	人樊篤鍾	人周慶成	人童先域	人聞璜	人余雅祥	員奚德藩	員盧英儀	員馬光甲	員聞光謙

黃岡	黃州	黃岡	黃岡	辛酉	恩賜	黃岡	黃州	黃岡	同知
縣	府	縣	縣	拔	副	縣	府	縣	衙候選
學	正	學	學			學	學	學	知
廩	監	增	生			生	生	生	縣
生石耀春	生曾琛	生方鴻運	員洪良燮	員王毓葆	貢杜承勳	榜廖志圭	員陶錫洪	員羅廷玉	生許壽身

黃州府	黃岡縣	監繕監刊	黃岡縣	從九品	六品	遊擊	中書科	分校	黃安縣	黃岡縣
學	學	學	學	品	選	擊	中書	學	學	學
增	生	生	生	從	用		書	廩	廩	廩
生王運隆	員萬廷珍	員陶鍾	員陶鍾	九高聲遠	從	銜劉照炯	銜傅華棣	生吳行健	生邱兆華	

黃岡縣	黃岡縣	黃岡縣	黃岡縣	世職	黃州府	黃州府	黃州府	黃州府	蕪水縣	蕪水縣
學	學	學	學	文	學	學	學	學	學	學
生	生	生	生		廩	廩	廩	廩	廩	廩
員馬錫蕃	員蔣家弼	員姜元楷	員李樹滋	生姜煥雲	生徐第瀛	員王培瑞	員樂耀灼	生謝維藩	生王世材	生張丙

黃	黃	黃	黃	黃	黃	黃	黃	黃	黃	黃
岡	岡	岡	岡	岡	岡	岡	岡	岡	岡	岡
縣	縣	縣	縣	縣	縣	府	府	府	縣	縣
學	學	學	學	學	學	學	學	學	學	學
監	監	監	監	監	監	監	監	監	監	監
生	生	生	生	生	生	生	生	生	生	生
員段慶華	員林文煥	員楊鴻鈞	員王廷璧	員李鳳藻	員黃子助	員王兆元	生蔡家鏃	生熊汝明	員何登雲	員林先庚

黃	黃	黃	黃	黃	黃	黃	黃	黃	黃	黃
岡	岡	岡	岡	岡	岡	岡	岡	岡	岡	岡
縣	縣	縣	縣	縣	縣	縣	縣	府	府	府
學	學	學	學	學	學	學	學	學	學	學
監	監	監	監	監	監	監	監	監	監	監
生	生	生	生	生	生	生	生	生	生	生
生尤蔭桐	生阮慶霖	生傅承霖	生曾寶謙	員雷春池	員許金壽	員范鳴桐	員戴紹鸞	員殷炳奎	員李樹蘭	生張汝絨

黃岡梓人陶守鑫鐫字

例言

明乙亥志列地理建置田賦職官選舉人物雜志七篇

國朝康熙乙丑志增天文藝文易雜志為稗函乾隆戊辰王志為綱十地理建置賦役學校職官選舉人物藝文雜志外志劉知幾曰正史不以天文作志王志去天文仍前明雜志之稱尤為允當第雜志後益以外志又以兵事入之雜志於義無取茲去外志增武備仍為綱十曰疆域曰建置曰賦役曰學校曰武備曰職官曰選舉曰人物曰藝文曰雜志為目五十有八為卷四十仿畿輔廣西江西諸通志之例不更為小叙以省繁尤其分門析類之故具於左方

周官外史掌四方之志今直省通志及郡縣志是也以書使

於四方則書其令史家書秉王命所本也宋潛說友臨安志
首載詔令近時方志因之我
朝

聖

聖相承

絲綸式煥

明良交傲媲美典謨今遵

內廷編纂之例恭紀

聖諭次以

盛典冠諸卷首為全志綱領用昭祇承

方志以疆域為限名山巨川往往綿歷州郡經界不正則輿

圖沿革山川星野之屬淆然莫辨故別於輿地而首志疆域
今之地志古稱圖經裴秀六法久已失傳

國朝胡渭禹貢錐指顧祖禹方輿紀要論述圖學甚詳康熙內
府地圖用北極出地法較裴氏準望尤為至精近時鄧顯鶴
寶慶府志深合圖法今仿用之計里開方使開帙瞭然有裨
實用有分土則有分星保章氏之所職未易窺測鄭氏謂郡
國入度皆後世堪輿家言數書久亡厄言鮮當武功志不紀
星野自是卓識茲仍王志舊文姑存其略其歷代沿革自周
秦兩漢以下分併增省名實同異最為糾紛戴震嘗謂地志
沿革不明則山川人物無一不誤洵知言也王志於沿革考
覈精詳茲更為釐定謹遵

御定皇輿表式作表以明之班氏郡國志自謂推表山川以山澤川浸職方所掌志山川之權輿也王志山以方向爲主水以源流爲主山有陰陽方位之殊水有經流支流之別可以考形勢資水利彼遠稱伯翳之經摹擬道元之注者塗澤爲工蓋無取焉至故城舊縣古殿荒臺亦考沿革者疏證之資也黃俗尚樸質好儉約見於隋志山水清遠土風厚善其民寡求而不爭其士靜而文樸而不陋尊德樂道異於他邦見於東坡集淮右名區風氣和平爭訟稀少見於秦觀謝表至於山澤原隰之名物五穀於稻尤宜凡棉布絲麻蔬果之屬物土布利豈但蘄州笛竹黃岡竹瓦爲韓愈王禹偁之所述美乎紀風俗物產亦南方草木狀北戶錄之遺也志疆域第一

春秋之義興作必書今制工部四司營繕所掌曰壇廟曰城垣曰公廨都水所掌曰水利曰橋梁皆郡邑所有事也古者封內之祭凡社稷壇壝及諸秩祀之禮所以崇德報功典至鉅也至昭忠祠祀乃奉文建祠以表忠烈者當賊陷黃州時官兵紳民擣難者數萬人若仿江西通志之例別爲昭忠錄置諸志外竊慮久而滅沒茲於壇廟門內特詳爵里姓名若城郭衛民官廨治事杠梁平政鄉鎮以重守望關津以扼險要孰非經政之大者耶凡建置必有肇造之人經始落成之歲月自粵賊煽亂夷爲邱墟矣肅清以來次第修築漸復舊觀黃界江淮之間居巴蜀下游夏秋每苦江漲且岡巒迴互湖港紛歧早潦不時隄防水利尤民命所寄桑土綢繆預防

蟻潰非敢災南福北轍守丹治也西北毘連光羅舊爲五水
蠻所居今民安耕作地猶荒僻必相度鄉鎮遠近何地當設
窩鋪何地可置村團彼此策應首尾聯絡茲備豫之要圖乎
爰仿宋敏求長安志程大昌雍錄沙克什河防通議諸書於
規制因革創始繼修纖悉必紀後之人庶有攷焉志建置第
二
籍恭閱
經政之大者莫如賦役則三壤以定兩稅前代相沿載在版

欽定大清會典順治初

頒賦役全書康熙五十二年

詔以五十年編冊爲率自後滋生人丁永不加賦雍正二年以丁徭

均入田賦代輸其無田之戶悉免之乾隆二十七年並停編
審戶部丁賦覈照乾隆十八年額數登載以周知天下生民
之數自

聖祖迄

高宗朝普免天下錢漕十次蠲豁者不可以億計實曠古未有之殊
典也地志中如韓氏朝邑志陸氏靈壽志皆以高簡稱而於
戶口田賦獨詳誠知其重矣積儲者生人之大命常平社義
諸倉舉而行之良法具在黃郡例食淮鹽粵寇之亂淮運梗
阻遂借食川鹽賊平後力振淮綱至同治十一年武漢黃德
四府始復專銷淮引認售有程販私有禁鹽價稱平民食是
賴屯田以給軍運隸於衛所得附田賦之後郡屬瀕江州邑

常苦水患廣濟黃梅尤甚又值咸同間兵燹之後瘡痍未復
惟我

朝軫念民艱累下蠲賦之詔尤宜敬謹備錄總上數事條而列
之志賦役第三

學校爲風教所從出考歷代祠祭褒贈

至聖先師儀制秩然我

朝重道崇儒右文稽古典章大備凡位次樂品禮節皆詳載會
典率土通行俾學者入廟思敬以時習禮其中古者州閭鄉
黨各掌其政教興賢舉能士皆由學而升自漢元朔元年始
置弟子員唐貞觀元年置增廣生員後代學額所由昉也黃
州兵後復增廣學額皆有學冊可稽書院爲推廣膠庠生儒

講肄之所自宋朱張講學嶽麓胡文定教授湖州有經義治
事二齋天下謂湖學多適於世用今詳稽學校宮廟之制秩
祀之典而經籍學田學額書院試院悉著於篇志學校第四
史記穰苴傳齊威王使大夫追論古司馬兵法是古有兵法
之明證唐宋以後兵制數更兵與農遂分而周官小司徒教
練調發之制寢以失矣我

朝兵制州郡有營兵有民兵綠營綦布法制相維並令民間結
團訓練以資禦守自粵賊陷武昌黃正當其衝咸豐癸丑迄
同治丙寅十四年中官軍民兵相持數百戰卒殲巨寇削平
禍亂守土官吏與綠營將士卓著殊勲而各州縣團練尤爲
出力惜州縣檔冊多散佚而用兵始末約略可稽其團各

爲砦礮堡鱗次深得堅壁清野之法賊野無所掠輒遁去鄉民賴圍練堡砦捍衛而保全者無算文移公報則有驛遞唐書百官志凡三十里有驛金史泰和六年初置急遞鋪腰鈴傳遞則驛遞有自來矣至水師汎地與各營互相連絡所以重江防也志武備第五

漢宣帝以爲太守吏民之本常稱曰與我共治者惟良二千石乎是以漢廷良吏於是爲盛丞倅以下歲請郡課上其最勞勉之宋制凡改官必令親民一次非經宰縣不除監察御史當思其任矣朱子漳州教授廳壁記曰凡邦之士廩食縣官充弟子員者數百人惟教授是師必有以率厲化服之使躬問學蹈繩渠然後爲稱百司是舉所爲首重循良歟黃爲

楚邦重鎮特設副將都司管領綠營兵弁駐守其地以屏障江淮臨蒞是邦者文武長吏率多殊尤卓絕之行其庸功石畫經政宜民者正宜臚列傳次俾爲守土者之槃鑑前規弗彰後美何繼表百官公卿始於班固東漢至隋有百官志而在位名次無聞此熊方萬斯同所爲作表以補其未備今銓其世次系其邑里爲文武秩官表凡治行可稱者爲傳以存其政蹟考謝啟昆廣西通志謂名宦與鄉賢皆一方俎豆之專稱當定自

朝廷非志乘所敢私許因仿其例其尙未奏請者統鄉賢於列傳而以名宦爲秩官傳著其實也地名官名悉依

本朝典制不至如劉子元所云地取舊號之譏至歷代藩封始

未封除事蹟皆資考据今冠於篇首封爵與職官同列用范成大吳郡志例也蘄州舊設下江防道裁撤已久今水師有新設之營長江有廓清之效漢黃德道舊駐郡治兵燹後移駐漢陽其嚮者歷任仕蹟曷敢遺忘具書於冊以見因時定制焉志職官第六

取士以科目自漢始漢制孝廉茂才賢良方正之屬隋以後始有文學詞章創爲進士科明代增舉人一科然正史選舉不錄人名方志列選舉則樂史江南登科記張朝瑞南國賢書之例也宋馬端臨作選舉考立舉士舉官兩門以該之今列於表者曰進士曰舉人曰貢士舉士也曰薦辟曰仕進舉官也旁行斜上按籍具存事實則用別書不以傳體闕入年

表如遼金二史有虛占行幅之譏唐始置武科名將多出其中郭子儀身佩安危亦自武舉異等起家故事文選武選各隸專部則翹關負重皆羽林期門之選也至命封之典任子之令亦得並書志選舉第七

宋史分道學儒林爲兩傳人多議之夫宋儒之義理漢儒之訓詁二者相須同條共貫者也河南程珦官黃州二程夫子實生於此朱子所爲作二程祠記宋季又得龍仁夫講學問津書院流風所扇俗以移易州人遂知講求正學間有爲姚江之學者然皆躬行實踐充然有得如郭慶李汝胡明庶耿定向諸人其尤著者文學氣節則有若王廷陳顧景星杜濬當時名重海內其或羽翼經傳通訓詁以求聖賢之意從漢

學入而以宋學為歸匪曰讀三墳之典說五字之文已也其名在復社者高潔若王一翥孤憤若吳亮思純孝若曹大聲殺身成仁若易道暹馮雲路汪陞延至詹謹之劉侗袁素亮易為鼎皆文學政事之儔劉子壯以下際

聖朝作新之化皆能振拔清時有所表見黃之人物可謂盛矣至於挺忠孝之節入獨行之傳者更焜煌史冊斌斌可考而樓隱之彥卹緯之發則尤不可泯沒皇甫高士之編劉向列女之傳所由作也遷寓諸賢龍仁夫實為宋臣王志入之元代非也見江西吉安志及陳大章筆記如鮑明遠韓穉圭陳季常遺蹟具在江山被其文藻草木亦有嘉聲高山景行有自來矣志人物第八

班固志藝文本劉氏七略條其篇目隋書則直曰經籍志唐史四部以甲乙丙丁為次分經史子集四庫鄭樵謂書之亡也由於例類之不明故特著校讐略一篇惟

欽定四庫全書總目分部辨類明如列眉誠編纂之定法黃自粵寇之亂載籍存者蓋渺有其名而亡其書十蓋五六焉可不惜哉茲廣為採采依例著錄凡舊載詩文用范成大吳郡志例分注各條之下其無類可歸者則於集部後附存之至金石之書歐曾洪趙久著專家蘄州陳詩著湖北金石存佚考最為詳核自宋朱長文續吳郡記元徐碩嘉禾志皆具碑碣一門則金石入地志之始茲擇其言尤雅者著於篇志藝文第九

曲臺五十九篇內有雜記全志振綱挈領而采摭軼事則以雜志該之五事徵於洪範五行志於漢書若鄭樵通志紀災祥不紀徵應志慎也靈壽志不載寺觀闢佛老稟然吾道干城然洛陽伽藍華山精舍亦志地理者之所不遺若名賢冢墓久或湮廢開館之初蒙檄州縣以時封樹揆以墟墓生哀樵蘇有禁之義可不詳爲志之至摭撫百家故老傳述野史稗說必足以昭勸戒資考證者乃不爲大雅所訶彙而存之爲雜志第十

是書肇修於光緒八年二月明年劉君悔復出守常德以之任去琛末學膚受年且篤老何敢膺此重任惟重以太守虛懷延攬生斯地者責無可辭遂與二三同志夙夜爬

抉不憚勤苦閱二載勒成一編昔常道將云善志者述而不作序事者實而不華然非文獻足徵其道無繇黃自遭寇亂後先正著述及故家藏書蕩然無存如

國朝賈鉉赤壁志張斗符郡志注遺之屬散軼過半明乙亥志自乾隆修志時已不可得見王志僅數月成書其間疏略抵牾亦所時有茲事體大門目繁多事非一手又以經費支絀刻期蕝事舉一百三十餘年之掌故系於茲編而欲一無紕漏亦云難矣正裴駟所謂疏略抵牾者依違不悉辯也王志本公行志書之式猶爲謹嚴其或義例不當則隨違矯正或所失載事宜存錄者罔不畢取以補其闕琛不敏所爲奉管兢兢抱殘守缺時見微意詳復辯論將

以總括前蹤冀有所裨補爾後之方聞綴學續輯是編者
釐而正之斯厚幸已

黃州府志目錄

序 職名 例言 王志序

潘志序 王志職名 王志凡例

卷首

聖諭 盛典

卷之一

疆域志

沿革 疆界 輿圖 星野

形勢

卷之二

疆域志

山川

卷之三

疆域志

古蹟

風俗

物產

卷之四

建置志

城池

官廨

卷之五

建置志

壇廟

羣廟附

卷之六

建置志

壇廟

昭忠祠祀位

卷之七

建置志

鄉鎮

關津

隄防

閘堰塘井附

卷之八

賦役志

戶口

賦稅

軍屯附

積儲

鹽法

蠲卹

義舉附

卷之九

學校志

學宮

祭典經籍學額學田附

書院

義學附

試院

賓興卷費會館附

卷之十

武備志

營汛

水師汛地附

驛遞

碉堡

兵事

卷之十一

職官志

藩封

文秩官表

卷之十二

職官志

武秩官表

衛官水師官弁附

卷之十三

職官志

秩官傳

卷之十四

選舉志

科貢表

進士

卷之十五

選舉志

科貢表

舉人

卷之十六

選舉志

科貢表

貢生

恩賜附

卷之十七

選舉志

武科表

卷之十八

選舉志

薦辟

廕襲

卷之十九

人物志

仕進

武勳

封贈

儒林

文苑

卷之二十

人物志

宦蹟

卷之二十一

人物志

宦蹟

卷之二十二

人物志

忠義

卷之二十三

人物志

孝友

耆壽累世同居附

卷之二十四

人物志

篤行

卷之二十五

人物志

隱逸

藝術

遷寓

卷之二十六

人物志

列女 歷代

卷之二十七

人物志

列女

國朝黃岡

卷之二十八

人物志

列女

國朝蘄水麻城

卷之二十九

人物志

列女

國朝黃安羅田

卷之三十

人物志

列女

國朝新州

卷之三十一

人物志

列女

國朝廣濟黃梅

卷之三十二

藝文志

經部

卷之三十三

藝文志

史部

卷之三十四

藝文志

子部

卷之三十五

藝文志

集部

卷之三十六

藝文志

集部

文附

卷之三十七

藝文志

集部

詩附

卷之三十八

藝文志

金石^上

卷之三十九

藝文志

金石^下

卷之四十

雜志

祥異

摭聞

仙釋

寺觀

冢墓

目錄終

序

王

勅_{鄂縣人}

歲丁卯余奉

簡命來守黃州以夏五月受事

國家重熙累洽典章詳備薄海內外文治所漸咸耀於光明檢閱郡志自康熙乙丑歲經前守蘇公修輯六十餘年來舊獻典文頗多脫漏遺軼夫志乘為一郡令典凡山川險易風俗洧澆制度之因革損益人文食貨之盛衰多寡莫不備載守土者相其緩急而輕重布之乃古卿大夫朝考庶政夕省典刑之義顧曠闕弗備其何以圖報稱且昔先大夫康熙辛卯講學江漢迨後自吳返秦經過臨臯赤壁閒見其風土厚善士大夫之說禮敦詩尊賢而樂道也形之歌咏載在家編余

心識之不能忘今獲親履其地守土治民監於成憲其永無愆書有明訓何敢置爲緩圖爰是於戊辰良月諏日開館延邑之太史誠合靖公及郡中文學之士與之商榷搜討補後來所缺遺兼訂前志之謬誤爲綱十爲目四十有八凡八閱月竣事夫今之黃非猶昔之黃也唐宋以前蘄黃分治而黃爲下州自明世以蘄州來屬幅員方長跨據揚粵上游作全楚門戶數百年來衣冠文物財賦之盛甲於諸郡從來地以人重人以文顯昔蘇文忠以遷客來此不治民事王元之兩制舊臣一麾出守故竹樓赤壁雪堂月波樓諸作寄託曠達之音以抒其牢騷抑鬱不平之概雖山川故蹟賴以不朽要未可云經國大業也若夫徵文考獻舉歷代良守明牧賢令

師儒之所建樹與一郡中名臣碩儒忠孝節義潛德之幽光咸表章於簡策俾將來有所感慕景行追匹休於前哲以副國家久道化成之盛治而余亦得少慰其夙興夜寐無忝所生之素心則斯志之輯庶不爲無當之卮言也夫時乾隆十四年歲在屠維大荒落之蒲月

序

靖道謨

黃岡人

太守關中王公於乾隆戊辰十月開志館招邑文學之士編輯郡志道謨以衰年昏耄備員其閒越明年夏五志稿成太守公親爲釐定校覈嚴體例慎去取弁序於端而屬謨以一言繼其志謨考黃州之有志舊矣宋景德四年凡四方郡縣所上圖經詔翰林李宗諤等刊修校定爲一千五百六十餘

卷南渡後多散軼而止齋陳氏家尙存有蘇越黃三州刻本
乾道閒郡守李訖於圖經四卷外又以近事爲附錄一卷訖
參政李邴子朱子所爲作二程夫子祠記者也慶元己未郡
守李昭問俾教授厲居正重修齊安志二十卷可謂詳且備
矣去今不六百年求片紙隻字絕不可得卽明萬曆乙亥所
修志僅於康熙乙丑志中存其一序歷代文獻無徵昔人云
作史之難無如志殆尤莫難於黃州志矣夫時代遼邈傳聞
何可盡信黃州周弦子國而混於江黃蘄水漢軼縣地而入
於蘄春則地理之譌也周仁毛玠余闕本汝南陳留廬州之
產而繫以黃岡麻城羅田之人則人物之謬也邾城有二而
混爲一舉水倒水酈元有注而無其名黃歇樊噲封邑闕絕

而載其墓則古蹟山川陵墓之外也其他錯誤難更僕數大
約記載所傳聞多不復考信於正史想當年景德乾道慶元
之圖經志錄決不如是則兵燹之所焚棄風雨蟲蠹之所泡
蝕文獻名邦幾同僮荒陋壤披覽遺文徒滋疑竇耳謨自早
歲每遇遺老輒訪問鄉里故實後來奔走四方修志滇黔書
籍所紀有關故國者手自劄記積久成帙今來館中同事張
君緒茲出其大父斗符先生郡志注遺五卷糾正傳聞之謬
與余劄記符合者十有六七喜先得我心因與同事諸君子
共相商推訂譌補缺以就正於太守公太守先大夫關中理
學名儒研經味道屢徵不起海內所稱豐川先生者也昔年
海甯陳實齋先生開府湖北禮聘來楚講學江漢書院謨曾

與執經之列師友淵源校讎之役尤義無可辭夫沿流溯源
參互考訂以搜討遺軼生長鄉土者之責也修舉文獻以昭
明政治而激厲風化則太守公於此有深意焉後之覽者可
以興矣

序

耿定向

黃安人

萬曆乙亥春黃郡志成中發凡舉例咸裁自郡侯雲中潘君余友
周大夫子徵甫閒爲論著以抒侯意而考故獵軼蒐聞舉知則任
諸學博暨諸弟子員云耿子定向曰夫志志也求民瘼維民風
莫重乎志矣蓋備往鏡來登良黜瑕俾良令循守案籍而發慮廣
仁志士髦英撫卷而憬思興奮卽鮮仁涼德亦賴此籍存有所顧
畏而不敢有所禁限而不得則志之效也綜其原本顧存乎作者
之志矣惟志於民瘼也切則於經制擘畫也必詳惟志於民風也
篤則其稱譏刪存也必不苟是故觀於其志而志可知也潘君累
世載德篤衷潔履天實植之其志壹矣志壹則思深撫今思昔舉
近思遠由今所睹記而證諸攷覽無亦惻然有隱耶惟吾黃疆里

故也山川故也乃建置頻矣而閭閻漸圯更踐繁矣而物力益耗民瘼蓋孔棘而民風日以媮矣卽一郡而天下可推也君茲志也其念深乎深乎雖然民瘼之棘由民風也民風之回變人心實爲之耳以余觀於黃之人心殆猶未替往初者何以明其然自黃列郡以來上下數千載閒懸仕顯人何可指數乃今藉藉稱引爲吾黃重者必首兩程夫子次蘇長公云彼兩程秩位俱不甚通顯蘇公滯黃數稔落莫甚甚乃今慈孫孝子欲顯其親者咸願繫籍尾附以爲侈稱是懿德之好今猶古也而山澤之故老輿人間與披籍而指之某也當某也無當若辨黑白數一二然直道之行視三代何殊焉於戲觀於黃而天下之人心可知矣豈不幸哉第人人胥充此心弗浮慕其名必踐其實弗徒論其世務省諸躬民風其

不振民瘼其有瘳乎是則潘君輯志之大凡也余不佞辱交於潘君也素矣知潘君爲最深爰明其志於首簡以諭諸同志云

序

周思久
麻城人

余屏居浪游束書不覽卽朋儕竿牘亦漫不省答尙安所議於編摩之事乎潘君侯伯明爲邦之三年政號廉平民以甯壹暇日閱郡舊志頗殘缺爰集諸博士弟子員披討舊章編輯成帙以余友耿在倫言寓書山中俾余更訂之余以不敏辭侯不可余乃發篋取志稿讀之顧爲諸弟子時時請業每開卷輒廢徒以其餘力稍稍刪潤又摭拾其軼事多從耳剽弗詳踰時書始成勒爲七卷初一日地理次二曰建置次三曰田賦次四曰官師次五曰選舉次六曰人物次七曰雜志一郡文獻大都具是矣然是數者綜之得

人其要乎有人則諸措注可從而理不則方策雖存文具爾猶之富氏大賈其子不克家即有家籍將焉用之則夫司牧君子急作人之為務可焉

後序

王廷瞻 黃岡人

此余黃郡志也余讀之歎曰傳矣夫黃在楚稱巨郡而文獻尤甲諸郡乃諸郡各有志獨黃志頗蕪宏治間嘗一擗管距今七十餘稔闕久弗載僉病之隆慶壬申潘侯以侍御遷黃守比至黃數月所稍稍頓飭政局惟新輒取郡舊志檢閱乃矍然曰此何足以志黃哉因集一時掌故輩相與編輯之而侯總其事竣仍付麻城周君子徵再訂之業已鐫梓往歲余在告還里中侯以志事告余今欲余序余拘闕特甚何能文余不佞乃言諸末曰夫志一方之

史也公善惡厚風俗固封守制財用備因革此數者史之大者也理道繫焉昔人云必資三長余則曰本於一德苟以天地生物之心為心則天下事皆吾分內事矧一方之事哉第今之史徒以麗藻相騁角而敦行覈實無聞焉且猶奔逐炎煥涼薄節義意所欲賢則曲益好詞不則繆加秕行斯皆輕弄筆端恣情高下何足以示昭鑒垂不朽而資風采者也是編也例凡七而其目若干條要在本諸實行發為文詞毋法鑿毋勢傲毋名浮簡者詳之遺者補之亥豕者證之惟公惟明無所不當而地理風俗人物之事燦然明備余故曰傳矣夫志者言乎心所之也侯之心壹意為民法厲民者亟拔去之而虛聲溢頌靡匪夙棄凡所施注皆以移易民心而還之古庶幾懍懍德義君子之風光照斯志有餘烈者矣豈徒

為文具已哉雖然昔昌黎在潮文翁在蜀二公當治郡之餘著集以侈其境郡人濡而化之至今與中州埒蜀與廣濱等者也尙爾不變黃既為楚巨郡聲名文物又與海內大區相比數其中豪雋興起於侯之治化反訛鄙為龐裕當不逾朝夕斯志也功信偉矣余不文奚能序其萬一哉

王志纂修職名

總裁

黃州府知府關中王勅

監修

黃岡縣知縣邵豐鏞

蘄州知縣

蘄水縣知縣葉為舟

羅田縣知縣馮孫龍

麻城縣知縣夏封泰

黃安縣知縣李晉岳

廣濟縣知縣虞學灝

黃梅縣知縣任重

總修翰林院庶吉士靖道謨

前翰林院庶吉士靖道謨

分修黃州府學教授王宇大

黃州府學教授吳緒榮

黃州府學教授徐成澗

黃岡縣學訓導劉崇文

黃岡縣學訓導陳于座

黃岡縣學廩生張念祖

黃岡縣學廩生南昌齡

黃安縣學廩生張炳翰
廣濟縣學廩生員胡本棨

分校黃州府學生員靖必會

黃岡縣學生員靖必簡

黃岡縣學生員杜乘時

黃岡縣學生員陳發

蘄水縣學生員徐立猷

黃梅縣學生員於時舉

蘄水縣學生員李聞韶

監刊

中不必繪畫之工惟求形勢之肖

志首沿革自秦漢以來郡縣隨時異屬亦隨代異名卽如齊安郡蕭齊高齊蕭梁皆有而地各異卽邾城亦有新故之殊記載分明始不啟後人疑竇蓋黃州界江淮之間自吳魏至陳隋朝更暮改參考歷代史書庶幾有條不紊舊志簡略今加詳核

經星一度分野幾三千里黃州幅員未及其半繁稱遠引傳會居多明代乙亥志以地理居首不列天文甚爲卓識今從之

春秋傳曰國主山川疆域有時改移山川萬古不易此禹貢分州之遺法也然紀山止云在縣何方去縣幾里其淺焉者

也凡山或有所由名或有事可紀亦須點綴一二方足爲林麓生色卽紀方紀里亦須有序方則由東南以及西北里則由近以及遠庶覽者心目瞭然

紀水又與紀山不同山以方向爲主水以源流爲主蓋水曲折透迤東西不一雖北方諸水皆謂之河而潭涇溪港隨地異名黃屬之水皆以江爲歸而入江之水有經流支流之別紀水者先經流源出某處流向何方爲某名又流向何方某水入焉至某處入於江其支水來會者俟敘完經流之後亦從源及委如敘經流之法方爲脈絡分明卽以黃岡言之巴水界其東倒水界其西舉水貫其中皆經流也上巴河卽巴水所經其入江處爲巴河口亦曰巴口舊志隨俗稱謂於出

黃州府志
口處以巴河目之而又另列上巴河之名幾若別是一河至於舊洲長河石頭潭皆舉水所經紫潭河石板潭皆倒水所經而舊志先後錯出且並無舉水倒水之名今俱爲考正他州縣亦如之

易曰王公設險以守其國形勢之謂也蓋形勢所在必周覽川原之概參考古昔成敗得失之由使將來案圖據籍酌其緩急輕重之宜布置措施以成保障之計郡國之志莫重於此至於疆域之廣袤遠近一走卒能言之耳今以形勢次古蹟之後列疆域之前

凡志載物產有通產專產之分舊志載專產而通產遺焉今補入

國之大事在祀與戎王者建威消萌雖外戶不閉之世武備不可一日而弛黃州一協蘄州一營居全楚之委近又以道士泐一營隸焉益壯東南之形勢故營汛另標一目以重干城之寄其道士泐營不復紀非黃郡地故也

修關梁塞蹊徑著於月令舟楫以濟不通易象昭垂黃界江淮之閒五關崔嵬南北要害長江天險河流漸紛關津之設尤爲急務故另爲一目

山川乃天地自然之位置橋梁隄壩則後人創設之規模故以山川歸地理志以橋壩歸建置志

楚爲澤國黃受委輸水多山少扞衛田畝全賴隄防近例又令州縣佐貳官皆兼水利之銜誠重其事也修築雖有在官

在民之異然特標一目使守土者觸目警心則先事為桑土之綢繆臨時有固護之善策自可如長虹蜿蜒克鞏無虞矣黃州蘄州二衛皆有屯田屯糧蘆課人雖有軍民之分物土之宜以供賦稅其義一也舊志附於職官今改附田賦之後王者藏富於民積貯者天下之大命恭逢

聖代軫念民瘼凡常平社倉犁然俱舉每逢歉歲蠲賦賑粟惠政兼行即當豐稔之年累下蠲免之詔厚澤深仁淪肌浹髓增積貯蠲贖二門以昭

國朝之良法美意焉

學校舊志與公署城池同居建置之目恭惟

聖祖仁皇帝特頒萬世師表匾額

世宗憲皇帝加封孔子五代王爵

皇上頒朱子崇安訓士文於太學文治光昭超軼前代謹另立一

綱凡

御頒書籍書院義學學田諸項悉附焉

舊志不載蘄州藩封為其國除之故然屯衛之指揮鎮撫其官亦革晉之豫州刺史元之蘄州總管俱非今制皆未嘗不載其人而獨汰乎藩封亦覺輕重失據矣且黃郡封爵自周漢以來歷歷可指不獨有明一代今據歷代史書及年表補入以存古昔封建之遺意

歷代史書宰相宗室皆有表唐書有藩鎮表明史有七卿表成一府之志則府屬各官俱宜列表既便觀覽亦省方幅今

列知府同知通判爲一表府教授訓導經歷照磨爲一表各州縣知州知縣學正教諭訓導縣丞典史爲一表通府武職副總兵營守備衛守備千總合爲一表其巡檢驛丞河泊之類則有州縣志載之故郡志從略

名官所紀皆有功德於斯民者最宜詳審省志中閒有名字之譌如宋黃州通判孟震字亨之非孟震亨也蘄州知州余童非余童明也官職之譌如王世德乃知府非推官也時代之譌如范可奇乃明代知府非本朝也此外譌者尙多大抵省志郡縣繁夥查核殊難郡志州邑無多考校稍易然彼此互有異同不爲辨明恐滋後人疑竇至於選舉志中亦有譌誤俱一一改正

士君子立身不外文行處世則顯晦異焉文有二經生之文主於明理才士之文主於達情秋實春華不容偏廢此前史儒林文苑並列不以顯晦異也備位於朝遭時得主功業炳著列於宦蹟適弗逢世致命遂志謂之忠烈無位於朝而孝友著於家庭篤行稱於鄉里或義烈所激慷慨捐生謂之孝義此以顯晦分者也值清平之世甘不字之貞如漢嚴光唐司馬承禎宋陳搏魏野之屬雖不合中道然恬退之高致載籍所不遺也謂之隱逸百家眾技君子猶有取焉方伎是已至於流寓以誌卽次之譽列女以紀含章之貞共爲九目較舊志加詳要各名稱其實也

舊志採取人物頗爲矜慎亦有止據州縣志而與正史不合

黃州府志
者如毛玠王韶余闕王弼諸人勲業非不焜耀然考之正史玠陳留安邱人韶江州德安人闕與弼一爲廬州人一爲定遠人卽後人有居黃者然因其子孫遂移易祖父之籍未免傳會不敢概存

舊志人物名字不無舛複如黃岡吳良吉旣列理學復列隱逸廣濟吳自守旣傳其名復傳其字以黃安之耿定力爲八先生是弟冒兄號也以廣濟之徐儉爲字孝穆是子襲父字也此類尙多或亦當時謄寫之譌未及釐正歟今悉爲改正舊志所遺人物從諸史紀錄及各省名宦志補入者計百有餘人惟一統志載蕭一中黃岡人官布政四川志載成敏貫黃岡舉人知新甯縣程旆蘄州人官副使廣東志載鄭抱真

黃岡官生知廉州府查州縣志俱不載其名無可證據凡此類不敢攔入志慎也

紀載必據乎文獻傳聞不能無異同閒有省志所記爲州縣志所無者如黃岡王景從狩土木曹大震罵賊不屈之類亦有省志與州縣志互異者如黃岡程之奇一稱死節一稱善終廣濟胡士定一以爲文學一以爲殉難之類其有確據者正之無確據者並存之

藝文一門古文詩賦體裁不一復各分州縣載之頭緒太多今止分別各體合八屬並載以省檢閱之煩仍以年代爲次諸志以祥異附於天文案字說本有今異曰頑本無今有曰祥日月薄蝕星紀伏留普天共覩一郡之志可不必載至於

草木禽獸昆蟲之怪固不盡繫於天象也今移入雜志
祥異氣之變兵事時之變君子道其常故以雜志收之緇流
黃冠浮圖老子之宮唐虞三代之世無有也故以外志目之
各目中有不能以例附而關勸戒備考核者收摭聞中以備
外志之目石言於晉神降於莘史傳不廢小說九百本自虞
初從容之求亦可興可觀也

